

敦夙好齋詩全集

敦夙好齋詩續編卷九

戊午正月
至十月

漢陽葉名澧翰源著

養疴集

新年過慈仁寺柬汪仲穆

近郭有蕭寺平生游迹多故人方落寞今我亦蹉跎春
氣千林動禪心一鳥過那能隨老衲閉戶學槃阿

偶成

未獲林泉美蕭齋屏迹能殘宵驚遠吠清氣養孤燈兀
坐魂猶悸歛眠夢莫憑憂來揮不去無計學枯僧

送吳子珍歸省

暫辭燕市月好著老萊衣閉戶忘去聲消長狂歌無是非

驛亭晨柳暗江郭暮魚肥多少他鄉客春風羨汝歸

重過慈仁寺有感

迂我渾如舊殘僧不世情松枝經雪茂鳥語助春晴佛
地有衰盛名場等重輕空悲吾執友旅殯一荒楹

汪仲穆於

上元次日謝世
將殯於寺中

憂患一首感謝二三知己

憂患勞相問天涯幾友生百年等榮悴今日見交情把

劍將何適觀棋恐未平艱難當此際文字足干城

漫成

久悟窮通理無聊博一官羲娥愁逝景身世寄驚湍魯
酒心難寫吳鉤舞漸闌比鄰鬧童叟惱殺汝團欒

酬李硯香從事

旅館又春風征車來自東詩心淡初日客緒渺飛鴻文
字前賢契壺尊令節同關門萬行柳歸日正冥濛

許海秋夜過

萬慮方難掇勞君數過存填胸濡隱淚度晷怵羈魂燈

燭天街亂笙歌上日繁吾曹但冰雪晚歲好相敦

不寐

不寐送更鼓春宵如許長相依燈火永未了曙鴉忙涉
世原無著安心豈有方空懷陶靖節高枕到羲皇

慈仁寺有感二首

錄一

邇年愛清游茲寺旬必屢所喜良友偕

謂汪仲穆

談笑豁衷

素矧予值憂患一身了無附傷哉君亦衰方春卽長暮
淒淒古松聲黯黯曲廊路魂魄依敗林履綦改荒步風
吹總幃開呼君竟不寤

辭官

辭官不能去兀坐度昏晨
簷鳥時相狎鑪香自足親
素交慕賢達遠夢訊江津
那得蓬廬卧塵埃視組紳

贈晁星門

他鄉自春色扃戶幾人來
同抱路歧歎無窮烽火哀
百年惟一 是行道漫相猜
展卷從吾好蒼茫任劫灰

悼謹菴上人

顯清

打包燕趙作閒僧舊業天童返
未能窮積詩篇千字淚
老餘長物一枝藤望雲未礙塵
心在

上人昔年有望雲
圖思親而作也

看月難忘昨歲曾料得毘陵汪仲子仲夜臺相見話傳

鐙

次韻答譚仲脩

失意未云病及時難覓歡春花方晚晚執友慨凋殘謂

仲世事幻成夢吾儕盟不寒山林隨地有閉戶卽袁安注

偶過長椿寺庭中樂枝花正開

今朝天氣不風雨拍馬城西訪古碑猶有殘僧走相迓
長廊滹茗看樂枝

上巳日不出游偶閱乾隆癸巳閏三月三日諸老

輩禊飲詩冊漫成一律

翁潭溪先生招集一時名流禊飲終日與會者十二

人錢禕石姚姬傳程魚門錢十蘭諸

公皆有詩而嚴道甫先生爲之序

城南景物自妍和詞翰流傳一刹那不見貞元舊朝士
空懷曲水盛觴歌歲時置閨尋常有裙屐遺聞向往多
門外春風狂未已殘編兀對學盤陀

龍泉寺有感

陂陀斜轉塔竿懸寂寂門無市籟喧縹緲鐘聲度林遠
蹉跎花事耐風顛空王閱世惟平等勝地尋春感歲年
桑下淒然陳蹟在齋魚茶板自安便

永樂禪林悼松泉上人

頭白僧何在重來事已非
禪廬少鐘磬春色惱芳菲

龍象精靈護琴樽伴侶違

兼悲汪仲穆也

遠簷羣雀亂故故向人

飛

訪胡兼山因贈

京洛競聲利先生惟一經
長貧耽嘯咏斗室凜儀型

瀟茗靜相對忘機中自浮
龍湫吾未到請爲話仙靈

兼山嘗游

鴈蕩諸勝

晨游花之寺

寺僧不持佛醕酤欲招人高旃懸幽徑名花綉晚春

宋

方盛開

愁深休覓醉坐久愛初晨預盼連宵雨平皋麥氣

勻

尺五莊感懷同直舊游

一官老向中書省黯淡朝衫十六年怕向黃墟尋往事
野棠花落郭門前

訪慈仁寺不得入遂過善果寺小憩

到門畏豪騎返轡更尋幽曲徑送清梵深林曉午鳩齋
時龍象靜禪外蝶蜂游欲話楞伽義行蹤任去留

得了儉翁書寄懷

江淮奉師表絕業等身書垂老忘憂患
翛然隱故廬天涯遠相慰交道未云疏
退處吾生事升沈信所如

來書中語

雨後過崇效寺

打門風雨昨宵曾惆悵西來

寺中關名

最上層落盡海棠春

漸遠曲廊閑步不逢僧

慈仁寺

亭午問蕭寺曠然幽意迎林花騰晚豔
檐鳥愛初晴老衲歸心久禪房含籟清
依然游舊地振觸去來情

龍泉寺僧來約齋飯以疾不往賦謝

伊蒲饌辱上人招傍郭精藍未覺遙上日尊疊屢孤負

大雄鐘鼓自蕭寥清齋但乞靈臺靜宿疾難憑勺水銷

惆悵庭楸生意足花時好約訪疏寮

寺中楸樹皆數百年物余嘗作歌紀

之蓋夏初始花也

偶成

歸心空羨陶元亮宦味嘗思邴曼容翹首觚稜原咫尺

曉風時送隔城鐘

重游善果寺

地名王子墳

側徑彎環樹色分
名花幾日散斜曛
應真無語門常閉
寂寞春風王子墳

陶然亭

三十年前此酒家
到來不見句籠紗
蘆芽滿地桃花盡
一片青山繞郭斜

野眺

市聲遠籥管野色近
桑麻地迥人煙少
風高酒旆斜餘
春三月雨向夕
隔林鴉何以銷愁思
登臺詠落霞

聖安寺

柳湖村畔雨初晴
暫卸花驄緩步行
沙路參差春色晚
丁香一樹短牆明

大風郊行有感

東風不作雨日月飛塵堪小園散落英坐惜春事壞
駕言出戶行舉目畏羣騎轉轉不盈里僕馬已交憊
城南多舊游鬱懷冀一快時麥遍郊原龜坼罕生氣
頗聞市賈歡錢粟倍贏利樓臺炫笙歌溝壑填老穉
寂寞京輦下人垂監門涕上言苦無階黽勉慕聾瞶
昨者牒丞相遄歸復莫遂念此慘不怕周行爲止轡

過積水潭寺小憩

舊是西涯地精廬別有天來游暮春後高詠梵王前石
氣含陰雨林花墮晚煙徘徊潭上水喧寂總成禪

贈馬鶴船

壽節

楊花如雪點征袍寂寞旗亭酒價高二十年來事休問
單車挾策不辭勞

答丁頤伯

朝回越巷數相存一紙新詩慰語溫縱酒頻年悲孔顛
聞雞中夜憶劉琨仙山不少靈根植滄海無端惡浪渾

私誼國恩兩惆悵幾回攬轡向郊原

立夏後二日過慈仁寺

頓覺我心喜窈然禪境深
午風度鐘唄丈室入藤陰
鳥喚餘春在僧閒舊業尋
松花庭半落隨意動清吟

崇效寺楸花歌

曩昔崇效寺牡丹多詠詩
如何五楸樹作花無人知
殿南殿北枝幹繞雌蝶雄蜂亂
昏曉擎空攢級左右蟠齊
放霞光燭林表風香拂拂如可尋
我來散步中庭陰曾
經活劫千百載世無韓子誰知心
詠此樹始於昌黎先生集中蓋屢見也

龍泉寺楸花盛開寺僧招游

老僧招我去亭午坐幽房
林氣屆初夏楸花聞遠香
娟妍晴晝永偃亞客襟涼
莫使繁英歇飄零散道場

丁頤伯招遊慈仁崇效二寺牡丹正開

白紙坊邊路未歧

元時二寺皆爲白紙坊地

感春又到鼠姑時樓臺

偶現伽藍地金粉猶呈富貴姿
振觸陶人參變相

慈仁寺有

密變觀音像一軀

摩娑薛壁讀殘碑

崇效寺廊壁唐王仲堪墓石徐星伯丈松所送置也

吟懷花事都蕭瑟極目黃塵信所之

金貞祐萬戶銅印詩

并序

印方形今尺縱廣一寸六分與省差官字之印同篆文凡四字曰萬戶之印背有貞祐二年十一月真定帥府造十二字考宣宗遷汴正在是年金史本紀謂二年五月上決意南遷壬午車駕發中都秋七月至南京大金國志則謂十月一日幸中山府二十四日駕入汴京十一月朔入宮金中山府爲今定州與真定密邇大金國志又言幸中山時從完顏昌之奏速幸大名詔大原帥完顏直出兵與嵐代兵出飛狐口防燕閒道趨河東則此印卽當時所鑄敵兵追迫文牘紛紜權命帥府造成

以應急需與省差印之頒自禮部者蓋有別矣今爲高
寄泉所藏

省差遺印我曾見金源官制倉猝變行都粗創勞治工
驛騎交馳眾軍亂高君手拓方印紅縱廣相較形模同
勒文正值遷汴歲萬戶之職何威崇憶昔祥雲海東起

秃耳馬騰僕幹水防僞專精女直書

太祖本紀天輔二年詔習國事

次早固燕山壘

大金國志兵制用師征伐上自大元帥中自萬戶略不間別與父子兄弟等國

有大事適野環坐書亥而議封王食邑多功勳金牌賞

議畢卽護滅之不聞人聲

埒符券文

百官志凡食邑封王者萬戶又云太祖收國二年始製金牌以授萬戶

已見兩

京和歲幣更煩萬戶壯全軍全軍方隸都統府元帥樞

密漸乖午

兵志太明天輔五年軍帥之上置萬戶萬戶之上置都統太宗天會三年以伐宋更都統

府爲元帥府海陵王天德三年以元帥府爲樞密院罷萬戶之官然則此官裁汰已久貞祐南遷仍復舊制當據此以補史

鑄佛輸將總管貪

見世威圖克坦恭傳圖克坦恭原作徒單恭今

譯改硬軍聯絡茸甲武

見大金國志正隆六年事

金甌安享祖宗利鍾

虞淪亡若兒戲會河營陣不可收

衛紹王大安二年會河堡之役吉思忠承

裕沮喪不可復振史言金之亡已兆於此

幹難王氣終莫避九十年來牟駝

岡黃龍下視銅駝荒

貞祐二年六月黃龍見見本紀

殘師辱將擁章綬

中山輦輅矜輝煌黃金斗大肘誰繫拜象侑爵頻揮涕

羽檄親鈴禦代嵐農臣手握隨旌旆

本紀是年十二月成遣眞定行元

帥府永錫等援中都頌勸農詔

篆紋糾曲苔痕青呵護休勞冥漠靈強

藩競起九公府

金石契載有都統出字之印正大五年五月恆山公府造考爲武仙設官之證

封建九公置府統衆見苗道潤傳

微物同悲野史亭

陶然亭遠眺

萬堞參差檻外迎孤亭徙倚暮原平
袂遊不見題詩客愁病還爲躡履行
鴉雀逐羣銜麥槁塵沙蓋野挾風鳴
臨流且作滄浪念遮莫霜華兩鬢盈

永定門外破寺

蕭槭已如許何勞客屐停寺貧齋已廢佛靜戶常扃敗
牖飢禽語荒園夜鬼靈密梅爾何識猶復放花馨

送朱伯韓二首

幾載金門客吾儕不寂寥清愁憑斗酒佳日愛僧寮簪
組身何補烽煙望裏遙無聊頻對語肝膽向深宵
舊侶漸分散如何君又行狂風花誕漫千里月孤明出
處思前哲文章況主盟蒼生方有待莫卽隱柴荆

晚登黑窯廠

渴土狂飈接鬱蒸荒陂寂歷幾人登車箱鎮日憐新婦

霄漢千尋想，謂汪仲穆涼鷹花落忽傷新。逝友鐘鳴不見晚。

歸僧雲帆悵，望來津淀未許長安酒價騰。土人有言越酒附海艘將

達津門者

過龍樹寺小坐叢葭移

拍馬入叢葭，禪廬一徑遮。餘春在庭戶，萬綠蕩風沙。獨

鳥度城遠，晴雲傍水斜。多情葦穉輩，原野自喧譁。北方初夏

蘆葦生時小兒卷葉逐伴相吹爲戲

李子衡寓廬與朱伯韓話別

寂寂長安地，悲歌送故人。琴尊餘夢寐，江海尙風塵。覆

屋槐初夏嘯花鳥不春更嗟游宦子何日整蹏輪

余亦欲出

都未成行也

暮訪古寺遇雨

曠野天將暝孤行何所之燈光出山寺人語隔沙陂斗
室塵初定禪門義未窺劇憐投宿鳥不畏雨風吹

酒間與晁星門

風日仍燕市交游感壯時憂來相契闊

契闊勤苦也本詩毛傳

興

至且娛嬉簫管誰家讌流亡滿目悲腐儒成底事灑涕

對深卮

浴佛前一日登黑窯厰遂至聖安寺二首

裙屣消搖媚上都風暄日麗市聲殊悠悠生事嘲驢券

落落清閒問狗屠昔日高陽牛爲鬼萬家督亢自成圖

偶來席地林間坐野色依然到酒壚

有感黃香鍊蓉石湯海秋張亨父諸

君舊游也

清梵飄然在上方東湖村外遠公房單衫不子愁華髮

舊句消磨付夕陽古殿風疏松子落平皋春去柳枝長

沈吟浴佛明朝事一任香風散道場

題馬鶴船詩卷

垂老復相見驚疑一愴神當歌非昔日忍死爲衰親劫

火長干柳鞭絲上國塵招魂話殤鬼回首萬荒燐

謂卷中紀

江甯死節諸作

題徐雲石同年

文

詩卷

君長於集蘇句

終歲一窮巷門稀車馬過孤懷自風雨高詠在煙蘿玉

局前型在神山變態多願將溫厚意流播入絃歌

時將出爲

縣令

右安門外酒舍題壁

豆荻櫻丸過市忙嬾陰天氣午風涼春殘章曲繁禽語

敦夙好齋詩續編

卷九

七

客散平泉亂草香
村酒呼來成一醉
朝衣脫去喜能狂
眼前傭保君休笑
如此黃塵溷未妨

四月九日大風入法源寺

風沙揚未已
下馬斂毘耶
竹徑雲常護
蓮臺日欲斜
齋僧香積飯
留客趙州茶
往迹嗟翁叟
經樓卅載賒

老僧爲言

翁潭溪先生
方綱遺事

次日復游法源寺

坊南坊北煥塵中
僻境堪尋古梵宮
槐癭當門留夕照
松梢萬葉已秋風
騁人怪我來何數
丈室無言靜若空

最愛乳鳩林外喚明朝煙雨望冥濛

崇效寺芍藥初開

俊游淹忽牡丹時活態狂香更幾枝寂寂午鐘車馬遠
陰陰庭院蝶蜂知豐臺多少傷春客華省低徊入直詩
何似祇林根最穩泥垣曲檻護芳姿

城西偶眺

做車送春色雲物極西繁蘆管喧羣穉榜陰會遠邨飲
駝沙水淺盤隼野煙昏空自嗟無俚夷猶問圃園

蒹葭移小坐遇雨而歸

思願隨行

車馬未適郊已脫塵堪苦古寺無鐘聲沈沈日歎午卽
茲眼中景泊然忘在旅鳥鳴叢葦風雲送半城雨詠歸
希古人清籟散林莽

登黑窯廠懷朱伯韓

惆悵城隅繫馬年崇臺突兀寺門偏故人背我今千里
斜日登高問逝川茅屋荒籬適巾履新槐疏柳散風煙
定知歷下饒奇勝題句明湖更可憐

伯韓時
在濟南

潘紱庭前輩以游崇效寺詩見示賦和一絕

柳湖村北綠陰涼白首重來事渺茫別有愁心與君共

不闕鄰笛似山陽

閒吟

所戀惟文字餘情視太空
端居心迹寂對客笑言同
錄避輪鞅朝朝驚雨風
閒吟最無俚莫謂本來工

次韻徐耘石夜坐見懷

塵闕得扁鍵夜氣窅然深
掩卷成孤契清鐙共此心
故人天半鶴相憶靜揮琴
憔悴不能和淒其楚澤吟

送高寄泉之廣東博茂場鹽大使任二首

欲問君何適淒然淚暗揮
竟無鴻鴈到愁看鷓鴣飛
白

髮營微祿青山勸早歸諸生才不忝未覺著書非

君爲學官

多年門弟子
從遊者甚眾

暫謝幽燕使誰憐瘴海行移家非葛令餘論略桓生義
旅愴能敵孤臣心自明儻憑昭雪力休道不知兵

驅車行

驅車偶郊行亂墓何縱橫白楊無風半空響地下陳人
竟安往誰爲田竇誰金張螻蛄朝菌同嗟傷悲來且醉
旗亭酒笑看浮雲變蒼狗可憐一卷天官書日者展誦

詞嘯喘

過龍泉寺

愁緒無端未可刪
城南蕭寺許追攀
到門野色樹浮遠
亭午春風禽獨嫺
世事不如潮有信
吾生安得佛能閒
楞伽字向山僧問
掃地焚香日往還

夜詠

午夜攤書暇
閒門謝病年
優游契心理
恍惚到林泉
顛髮幾時變
燈花休太妍
無端憶陶令
止酒欲成篇

余近不能

多飲

五月十二日爲楊汀鷺生辰先一夕邀同人酒樓

爲壽

經春不上城南樓
開顏今日觴楊侯
楊侯夙抱濟時術
懸門弧矢非悠悠
天街始晴翥干絲
夕陽欲下弦月續
壚頭傭保知我心
雲蒼蒼兮愁遠林

吳稼軒來都賦贈

夢寐若平昔
淒涼經歲情
虛堂各無語
作計此微名
鬢髮青春遠
文章小技輕
驅愁更何術
不飲已如醒

題硯農同年

詞

遺詩

硯農曾官內閣中書

故人寂寞殘詩在
開卷淒然淚幾行
京國琴樽半非昔

漢皋雲樹竟全荒，醉魂憑弔山河渺。
禪室棲遲水月涼。
集中有過劉伶墓及移居水月禪林詩
更問當年趨直地，翻階紅藥賸春

光

與吳稼軒市樓小飲

高樓不風雨，放眼對晴空。
我友喜初至，一尊相與同。
多情芳樹碧，盡意夕陽紅。
又作重闌別，綿綿思未窮。

寄孔宥函

聞君時念我，江上有高吟。
詎意索居者，難爲寥望心。
花飛送芳序，愁至澹孤斟。
莫話經春事，滄流淚比深。

元和琴詩爲唐蕉庵大令

翰題作并序

蕉庵曩游角里于孫氏響山閣乞得一琴有款識綠綺
鳴鳳唐元和七年製漆理堅緻間有損蝕處藏之二十
餘年不輕示人或聞之請諳琴律者重爲脩治詢之多
不明古法爰仍其舊而弗使俗工髹飾之而失其本真
也蓋其慎也以元和琴名其室而索同人賦詩

唐侯得琴軫造自元和年厥音叶鸞鳳蕭寂失所傳寶
之埒彝直締錦藏弗宣公和抱精理何異陶無絃屏居
韜塵垢拂拭邀真憐圖史陳左右風日增清妍嗜古不

惟兒於道忘蹠筌樸然謝華飾樂此孤蹤賢回首響山
閣顯晦嗟流遷爲政充異日庶類全其天

訪吳稼軒留飲對雨

獨坐憂端涌衝泥道路長重闔瞻素友飛雨稱疏觴江
海濤聲惡田廬客夢荒吾曹獲長聚皓首莫辭狂

題魯仲實費詩卷

故人通經歲卧淮東有子相逢氣吐虹唱到柳枝聽不

得江南江北暮愁中卷中柳枝
謠甚工

洪烈婦行

烈婦胡氏適涇縣洪湘衡生
衡生之弟崑生具事略徵詩

四郊晝夜烽火昏涇川義旅如雲屯中有一女殉夫死
巋然大節支乾坤夫從遠方歸一病卧牀第籲天天不
聞妾無獨生理下無黃口悲華年倉皇執手游重泉瑤
釵寶珥從棄捐嫁衣瀆淚絲痕纏中閨鐙火猶熒然以
光綽楔何慙焉我書節婦事更聞洪君語枌榆奇節昭
有明不見道旁舊祠宇

前明烈婦之族胡有適洪者以奇節聞邑人爲立祠至今香火

衰弗

楊汀鸞招同端木子疇小飲

暝色來深巷明鐙識酒家醉無人問訊狂任語紛拏雲

外愁初月風前惱宿鴉破除身世事豈奈此天涯

勁節樓詩爲長洲徐節母作

節母氏陸年十九歸同縣徐景章未一年

而寡遺腹生子曰惠源撫育至成立垂二十年

四十二而卒有司請

旌於

朝惠源復撰次事

實繪象於冊以乞詩文

勁節樓其所居地也

吳趨山水窟勁節有高樓悅性竹松茂終宵機杼愁清
門支廿載遺象凜千秋回首傳經地孤兒涕淚流

盛暑肝疾大作柬吳稼軒二絕句

蕭齋高卧無人到赤日中天照眼般不見故人幾朝夕

一城相望渺河山

身世如雲萬感殊清虛無術叩懸瓠

肝狀如懸瓠見于華子

相期

采藥名山去木柄長鑱道不孤

立秋前十日許海秋寓中遇吳稼軒張午橋因同

飲市樓

避疾一登樓故人情未休舉杯招晚翠縱論緩羈愁匿

景不成雨遠風將送秋何如三五夕淹宿續清游

此樓看月

最佳稼軒午橋均寓內城不能與故云

張午橋招同吳稼軒許海秋十刹海看荷酒樓小

集緣隄散步茶話而歸

西風裊裊漸秋來佳日登臨倦眼開一水漲空欲煙雨
萬花交影更樓臺歲時潦倒常爲客朋好纏緜屢引杯
閒步林陰貪話久斜陽官道莫相催

立秋前一日同楊汀鷺李子衡看荷集十刹海上
酒樓歸途過金鼇玉螭橋小步有作

曲隄槐柳作新秋結侶重登市上樓到耳蟬聲散炎暑
隔城山色接清幽居人臨水花長好遊客當風醉未休
瓊島雲霞瞻咫尺天街迴轡更旬留

雨後過龍樹寺

西山雨後碧雲開
試訪招提踏野苔
舉首涼風憐鬢短
衝泥今日爲秋來
寥寥亭榭天浮遠
瑟瑟葭蘆響更哀
如此清幽無客到
夕陽惆悵下蒼槐

贈王芷沅

馮嶠

到門來訊我驚喜
忽潸然人事增千態
尊君愴九泉
天街秋雨淨遠寺
晚鐘殘

芷沅昔侍尊人惜翁來都寓城西松筠巷

古誼于今

少楹書待汝傳

王芾南戶部

蔭棠

枉存以去春題拙著詩見示賦

答

憶我始識君款曲如舊好清門嬪文獻海內盛名耀知
君見聞該於學領其要落落形蹤默默寸心照長篇
忽投贈歲月首驚掉辱愛詞旨深自媿何以報嗟我憂
患軀屏迹事孤歎年華逐游宦尺寸鮮功效儻何叢疾
纏迂散眾流誚感事恒內傷撫膺更寤標伊人敦古歡
蹙然獲同調艱難慨今日江海沸羣盜安得宏濟才早
使民瘼療吾儕日獲落無地委耕釣秋風天際來傾耳
去鴻叫

宋烈婦行

烈婦張氏爲山東候補知縣宋君昌側室年二十一殉夫死無錫朱君蔭培爲

傳作

箕帚隨大婦從一義匪殊妾生不識字亦不解讀詩與
書句句曹州氓岌岌曹州城千村萬落聞哭聲但見黃
河之水從天傾阿夫官于此憫傷意何已傳檄飛符不
可止流亡遍野疫癘自天哀哉阿夫鬱鬱以勞死妾身
秉箕帚從一義匪殊不見家有姆氏守節完其軀阿姆
俯聽言何如著我麻衣脫我繡繡覓夫黃泉下含笑飲

藥如醜醜

宋君庶母王氏以守節聞烈婦事之素謹

譚仲脩

廷獻

莊嵩庵

忠核

以秋宵唱和詩見示因

贈

城西兩年少秋夕意何深對影自窮侶因風愁遠林聞
雞豪士氣見鴈五湖心且貰旗亭酒狂來扣劍鐔

題范詠春

以照

淮壩小記

鄉邦文獻重咨諏息影蓬茅屋打頭

君別號息影居士

風雨寥

寥一鐙共見聞歷歷此編留幾家喬木迷淮口終古寒

雲繞楚州寂寞當時抱經客

謂潘四農師

高秋極目宴花樓

賀鍾辛伯

鼎

得子

韋家舊德在傳經況復麒麟好語聽富貴人間等閒事

昨宵曾見老人星

唐開元四年以壽星爲列宿之長上命置壇於七月二十六日禮老人星

玉海載

其事

端木子疇鍾辛伯兩君招同韓介孫州牧小飲

舊交無恙指壚邊好友相逢樂事便短燭風搖窗畔樹

高城雲起鴈來天疏狂餘習惟沈醉憤悒逢場欲近禪

莫恨鄉關兵未戢六朝山色一歸鞭

介孫以公事新自金陵軍營來

偶成

抱疾自春始逡巡亦已秋堅心疏藥餌鍊性卻牢愁把
酒聊爲醉哦詩肯自休案頭陳內景寂寂與誰謀

酒間贈蔡右臣

恩劍

蔡侯且進酒盈觴廿載天涯雜感傷
暇日旗亭聊自遣
狂來粉墨忽生光

君工畫

高歌兀傲含真意
塵海棲遲望故鄉
好待黃花滿燕市
不辭酣醉卧墟旁

八月二日偕楊汀鷺邀韓介孫馬鶴船端木子疇

鍾辛伯諸君小飲

振衣欲上翠微頂

友人約予游西山不果往

落日狂歌燕市旁
相對

酒人有三五無邊秋意動
蒼茫文章嶽嶽雄心在
烽火勞勞客夢荒
莫遣巖更促明燭
暫時歡會豁愁腸

過永樂禪寺

猶有殘僧在尋秋一徑遙天容諸佛靜秋到晚風嬌

秋海

榮盛開

偶坐參文義聞聲儻野樵相期二三子看月慰清

宵

挽司馬繡谷

鍾

君家金陵久爲直隸丞倅

酒徒作宦已堪憐囊底飄零賣畫錢數口淒然寄沽淀
一棺何日返江天

廠肆式古堂主人以宋拓本蜀石經殘本見示作
歌紀之

式古堂中富名翰示我一册尤魁奇發編古采動心目

孟蜀刻石存子遺春秋左氏第十五一萬二千文有奇

居宜切拓本卷首行題春秋經傳集解襄二第十五次行題杜氏盡十五年末行經七千九十三字注五千二

十四字以注埤經昔未見潛研數紙當時推錢辛楣詹事大昕得左氏

昭二年殘拓三十五行甚寶貴見潛研堂金石跋尾廿年前遇陳仲虎樵版成帙

欣相貽釀金將助幸同學風流儒雅堪追思陳雪峰文學宗彙得

吳門黃氏景鈔毛詩殘本召南首章有缺文抑風獨全又從車秋翰持謙得左氏殘字三葉與錢詹事跋尾悉

合同人助贊合刊成册雪峰一字仲虎安得好事踵斯舉萬本流播經生

惟淮東丁叟儲汴刻昨者劉覽今神馳丁儉卿封翁晏於淮安書肆得

北宋汴學石經一束裝爲四巨册予曾寓目考證各書并爲跋

矧茲寶墨更希有摩挲

何讓商周彝率更筆勢宛親授餘事亦復凌等夷孫

逢吉

朋張紹文楊鈞周德貞各騁譽寫孤經者知爲誰情哉

計羸不能奪持壁欲返空嗟咨

馬鶴船以其兄伯膺福齡遺詩見示

南北幾千里空囊不自謀疏狂肝膽在寥落酒尊愁挾

策身將老驚人句偶留鶴原憐令弟灑淚雨風秋

同家佩之蘭張問月星鑑楊汀鷺沈仲維龍光集

飲

衢巷喧闐漸上鐙歡呼朋輩氣飛騰驅愁祇覺名心盡
騁辨猶餘口舌能放浪壺尊忘逆旅高寒星月仰觚稜
江東舊是吾鄉里消息頻來痛不勝

時聞浦口失守揚州告警諸君亦皆

籍隸江南也

送同年孫琴西侍講

衣言

出守安慶

今古茲雄郡長江勢可當幾年蔽烽燧

中禁出賢良驛路悲鴻滿秋風眾壘荒大觀亭上望山
色自青蒼

九日同人市樓小飲遂至慈仁寺登高

相呼爛醉旗亭酒拍馬還爲荒寺行強欲登高送愁去
漫天風雨忽秋聲

鍾小亭同年

淮

死節詩題令子桐叔枕干圖後

昨聞歲昭陽粵寇犯邗水我友鍾舍人辭官在鄉里毀
家厲戈矛用交敢死士萬夫絡膽肝一軍屹江沚疆場
誓效命七尺敝屣耳公侯非所希勉盡臣子理內憂萌
蟻沙外援絕虻蚩突聞賊眾來營前集萬矢炎風夏五
月旌旗盡披靡哀哉力難支化作長虹紫餘師奮相從
哭聲動遐邇莊君忠棧爲余言悲歡莫能已示我枕干圖

且喜君有子復仇果何年泉下心不死

送馬鶴船下第南旋

馬生重走長安道白髮無情漸滿頭更欲揚鞭向何處
江關風雨不成秋

題徐愛山

敦仁

送窮圖

昌黎故文宗偶作滑稽相憤世鬱魂壘無俚詞一放五
鬼誠有靈龍賁焉敢讓再拜謝蒼昊憂患獨吾貺大智
不任巧知命天所尙兢兢此文學百年與古抗仔肩勵
長道方寸寄遐曠甯以睚眦微交際鬪羣謗後來操翰

徒結習若有傍不如貞歲寒爾我齊得喪惟聖希固窮
相遭各無恙君意果奚託披圖益惆悵

孔宥函殉難浦口聞之痛甚十月十九日與吳稼
軒爲位於長椿寺哭之以詩

人生慟死別矧君爲國殤今日薦蔬酒冀君魂來翔肅
肅禪室地慘慘寒日光夙昔茲同游爛熳風花香執手

今已矣檜柏聲悲涼同袍意難已懸淚天一方

稼軒亦有挽詩

詞甚悽華 歷歷泉下客潘老先北邙

四農師歿於己亥秋

松寥與浮邱

瞬若前後望

張亨父歿於癸卯秋湯海秋歿於甲辰夏

君善攝生術所期年

壽長中途志不遂七尺歸沙場與君性命交式好非詞
章天平不余昇決絕何倉皇南國事休問戎馬增披猖
妻子寄何所窮餓誰與將餘哀訊魯叟通父千里同嗟傷

贈樊文卿彬

閉戶臥京國寂寥時一編舟車嗟往事風雨耐窮年日
落桑乾渡雲開碣石天與君一憑眺華髮各蕭然

爲景鑑泉編修

其濬

題舊拓虞永興破邪論序

伯施心經書久亡傳者破邪儕廟堂

宋樓氏鑰攻媿集云永興石刻心經

藏章二卿家失傳蓋已久矣

破邪一卷最神妙真本曾弄琅邪王張氏

孔眞蹟日錄虞永興小楷破邪論眞蹟在王元馭閣老
家又孫氏承澤庚子銷夏記有唐三百年書法當以永
興爲第一永興書法又潭州郡齋鐫石始博古星鳳踵
以破邪論爲第一之語後博古堂星鳳樓諸帖皆有刻本
難已此序始見宋僧希白所摹潭州帖嗣展轉鉤臨眞

廣參此本傑出誰與比集賢院印宸鑒崇內府秘笈徵

合同

此本未刻印文二一日集賢院御書印一日內合同印

殘篇餘濟等鄣下陳

家兩部羞凡庸

海甯陳氏玉煙堂秀餐軒兩帖均經收錄

板橋老人具精識

千載幽情耿胸臆想見晴窗萬本摹方以會稽無慚色

此本有鄭氏變題跋筆意力追永興引昔人評王右軍語以相況

垂紳正笏眞儒臣羨

君尚友能通神姚江石匣付誰手休令飄散隨風塵

姚江

虞氏藏永興小象在絹素上唐初書家及十八學士皆
有題贊歲久脫落見風卽飛具石匣藏家廟中見楊氏
賓大瓠
隨筆

李子衡以尊甫我園丈風雪夜歸圖卷屬題

君自記道

光壬辰歲暮自淮而歸揚州風雪淒厲入門聞書
聲琅琅心甚喜之取唐人詩句繪爲此圖一時題
詠殆徧至咸豐癸丑粵賊東下避地胸陽生平收
藏圖籍蕩然而圖亦失去丙辰冬游雲臺山歸兩
孫讀書旅舍情景如昨而令子官京師二十年
間時事百變因屬萬君袖石補圖以誌感云

策蹇忽風雪依稀邗上邨客中歸夢熟戰後幾家存茅
屋仍鐙火書聲有子孫雲臺回首是清氣到柴門

送張問月

星鑑

之四川學使幕

高才猶不遇努力逐征軺十月雪霜厲三巴山水遙著
書陋詞賦問俗別澶澆寂寞長安市鐙前舊酒瓢

李以堂從事

尙健

東歸同人餞別孔繡山宅分得

好字

以堂先生我舊好別來幾載首驚掉

上都奉朔禮云畢爲語同人返海嶠隆冬風烈裘不溫
昨宵霜重日彌曜爰就孔侯治蔬饌聊當離亭勸杯酌
蕭然古意鬚眉間細字斜箋代言笑我

朝車書大一統億萬餘年治功耀詞令英英粟華夏酬

醉拳拳略文貌先生家世今尤稀方以眉山靡弗肖座

客忽展盈冊書姓名寂寞豪翰妙石墨書樓

翁覃溪先生方綱

紅豆軒

星原文樹崑

過海聲華夙騰趨

劉子重銓福攜來翁星原文所集東園國

詩冊座上傳觀

諸君磊落媿昔賢賤子趨趨勉同調天寒晷短

筵未終真意孤盤一飛眺歸鴉厲響度遙堞庭樹低檐

落迴照整車欲去無多言驛騎他時盼重到鳳皇城畔

東使來儻賦新詩遠相告

聞哲兄藕船今年來都君言歸途鳳皇城可相見也

直廬偶成

右掖簪毫客浮沈十六年何曾甘放廢祇自凜冰淵省

吏驚重到庭柯應共憐

道光癸卯中秋夜直槐下散步有詩

老親久敦迫

退食淚潸然

敦夙好齋詩續編卷九終

男恩頤謹編

敦夙好齋詩續編卷十

戊午十一月
至己未三月

漢陽葉名澧翰原著

待次集

端木子疇

琛

借余所藏蕭尺木離騷圖刻本以酒

見餉並系以詩次韻奉答

君言借書還以紙成例豈向朋交欺而旬正苦興蕭索
獲此頗與枯喉宜讀騷君昔稟家學善本蒐采多瑰奇
金陵灰劫留不得宵夢往往長思隨空具畸抱述山鬼
欲浮遠棹尋湘離淮夷未獻泮宮賦江介久卓將軍旗

殷勤向我叩梅築

蕭尺木所居曰梅築

匠心所至光燭魑三閭大

夫尙忠愛範冶名象風詩追荒廬悅惚有神降連篇積

案形纍纍叔師以還說者盛才人異代心同悲矧茲精

靈炯圖繪六法足挽流風漓朝吟夕詠從所好羨君不

異兒童時茹家精楷欣眼福何以酬答增慙悒

君以明萬歷時

茹天成懋集寫刻楚詞本見示

凋年急景雪風作典衣壚側同襟期

唐元宗衡山銅簡拓本劉子重

銓福

屬賦

唐開元

神武皇帝李隆基本命乙酉八月五日降誕夙好道真願蒙神仙長生之法謹依上清靈文投刺紫蓋仙洞位忝君臨不獲朝拜謹命道士孫智涼資信簡以聞惟金龍驛傳太歲戊寅六月戊戌朔二

十日甲子告文凡八十六字背文云內使朝散大夫行內侍省掖庭局令上柱國張奉國本命甲午八月十八日生道士徐處道判官王越賓王寅八月十日儉人秦近思凡五十一字以今營造尺度之高一尺一寸四分廣三寸七分近年衡山人掘土得之今藏湘陰李氏

劉君示我銅簡字造自唐室開元歲萬幾有暇求長生

追蹤五利師文成惟時帝齡五十四不及初年號英銳

宋姚旣去諸務乖李林甫輩爭用事大衍歷法尤推崇

時行大衍歷

生年乙酉秋方中百官相率善諛諂濡毫摘藻

干蒼穹祝融連綿挺紫蓋仙洞應在重霄外孫智涼者

爾何人金龍驛傳神哉沛羽流儉從皆備書舉國奔馳

竟狂醉我聞吳越錢婆留范金醮謝歸龍湫我

朝諸老驚劫見片紙流落今誰收

吳越錢武肅王告太湖水府龍簡文一百

八十九字質白金重二十兩順治年間吳中大旱太湖龜坼居民得於湖底有願以白金倍重相易不可得卒歸銘化拓本傳者甚少張氏燕昌金石契曾著錄翁氏廣平錢氏大昕黃氏士珣皆有題語

仙李蟠

根輝奕葉華胄遙遙可相接今王道德通神明不死休
勞上清牒吐番醜類何紛紜那聞鑄券銘庸勳摩挲翠
墨增感喟拜禱想象衡山雲

雪後過龍泉寺

高城轉新霽興僻問招提積雪西山遠斜陽獨寺低幽

禽留客坐殘袖乞詩題來去原無定天寒瘦馬嘶

至日同人酒樓小飲

西山雪意極嵯峨放眼高樓一浩歌分付壚頭進樽酒

明年此日莫關河

唐代國長公主碑拓本

駙馬都尉鄭萬鈞撰文男聰書開元二十二年十二

月三日建在陝西蒲城縣

親仁坊底營外館都尉榮陽稱

去聲華選宋敏求長安志鄭萬鈞宅在左

親仁坊北門之東碑云築以外館是也

中年訣絕不勝悲含淚手製銘幽

詞貴主垂髫本聰慧七寶庭前善嬉戲

武后嘗置七寶於庭見唐書

官家孫子粲成行萬歲齊呼后顏霽纏絲妙曲蘭陵王
輕軀迴袖神洋洋是時未設梨園伎秘掖行樂歡未央
細書經柱歸淨業筆妙應仿通天帖散盡牟尼妖夢非
粉磴脂田等灰劫橋陵恩許附坏土百尺穹碑峙平楚
雨蝕風吹人代殊銀鉤鐵畫甃椎苦君不見主家文采
當代宗愛客曾讌襄陽翁據碑公主二男長聰亦駙馬
都尉金石萃編引杜工部鄭
駙馬宅宴洞中詩謂鄭
潛曜初名聰其說甚詳

偶得舊拓一冊王右軍黃庭經東方朔畫像贊曹
娥碑臨鍾元常宣示表蘭亭序官奴帖隨僧智永

臨告墓文凡七種審視乃宋無爲曹氏寶晉齋帖
也因題二絕

寶晉題齋慕顛米稻孫選石費搜羅千秋逸少堪追索

何止稽山屬永和

稻孫樓在無爲州城上米南宮所名也宋曹之極新民刻此帖於州中亦

日寶晉蘭亭序定武神龍兩本並收以點畫完損處證之此册所存蓋定武本也册有右軍墨迹六種

千載遺型付永師吉辰告墓具哀詞無端更憶華亭叟

妙訣參來虞伯施

册中惟告墓文爲智永臨本董思白嘗謂智永爲虞世南之師作永師書

當思永興作永興書當思永師孫退谷侍郎承澤最服膺斯語

張石州

穆

詩文刊成同人飲馮魯川刑部

志沂宅

消寒第一集分韻得石字

我友靖陽長

石州自晉靖陽亭長

遺草久盈尺平生事未了招魂

撫茲冊悲極轉成喜馮侯讌高宅殘雪明城隅初燈出
巷隙滑泥不辭勞環坐同所適前旬會精藍悔未廁巾

屐

旬日前魯川及王霞舉吳子迪祭石州於慈仁寺名禮未與

歛歛引斗酒吾道見

金石興酣肆心膽酩酊忘主客不畏金吾嚴甯愁更漏
迫勦業降鉛槧榮枯等潮汐纏緜方寸間磊落往賢迹
浩歌別君還沈醉百憂釋

祁叔和

之鈔

齋中觀所藏歐書化度寺邕禪師塔

銘屬爲賦詩

翁覃溪先生題籤曰
宋翻宋拓荷屋藏

玉泓堂物落誰手筠清此冊歸高平

此冊爲南海吳尚
屋丈榮光筠清館

藏持贈索綽給煦齋相國英和後有跋語荷屋丈舊有

一本爲明上海顧氏玉泓館藏宋慶厯間范氏書樓原

石拓本也今
不知洛誰手高平祁子富珍祕五百餘字千瑤瑛六街

塵靜雪初止驅車聊作重闌行叩門入座忘款曲寶壘

在几雙眼明蘇齋老人具深識

覃溪先生跋二篇題
於嘉慶乙亥十月

結

體肥瘦豪釐爭興來忽憶少陵語神女娟妙青峰迎

翁跋

云再三回盼輒發杜少
陵神女峰娟妙之歎

南海藏弄入燕趙持贈香叟留

品評煦齋相國
晚號香叟羨君典衣不沽酒

冊首有君小印祁叔
和典衣所得書畫

嗜好迺殊馬長卿欲從君作旬日借如麴車遇涎流盈

我家亦藏北宋本元初裝治神光瑩顏帖一笑俾乞米

趙璧何日返連城

名禮家藏化度寺塔銘是覃溪先生舊物先生題籤北宋拓本元初裝册

海內推爲第一本者今年春張米告罄質諸某氏未贖還也

人間古刻日稀少請君

韞匱休屏營墨池荒廢失真面

明萬厯間長洲章藻仲玉所刻墨池堂帖有此

種乾隆時竟有目爲宋拓而得重價者覃溪先生曾見之章氏原石今已不存坊肆間所行屢經翻刻真意愈蕩然矣紛紛皮相徒虛名

王審知德政碑拓本

唐天祐三年丙寅十二月立今在福州府城慶城寺旁

威武軍中節度使白馬翩翩好郎子是時唐祚將云亡

天下兵馬歸朱梁三龍崛起著驍勇
矢口早聞土謠動
丈六尊崇菩薩身風雷頃刻甘棠港
頌功伐石嗟蚩氓
甌岡保障非尋常月城南北侈工度
崇墉百尺矜輝煌
子孫世世永爲利六十年來等夢寐
楊葉風吹奈爾何
強弩三千不可避慶城寺側穹碑留墨本
傳播珍珠璆
行人下馬酌漿酒何如峴首思羊侯

端木子疇招飲

獻酬積文字縱論且忘憂
天末忽殘歲疏燈舊酒筍深
情寄圖詠

時爲余題蕭尺
木山水長卷

生事一沙鷗何日更洪醉狂

歌孫楚樓

樊文卿

彬

言其子婦王殉夫事詩以紀之

烈婦卒年十八

道光甲辰年四月事夫名景愷

文卿我執友頻年旅京國老屋六七間數口甘偪仄我
時跋履來相對到昏晨知其家庭間肅然有法則談深
君淚零淒其語還默知君子婦事弱齡殊難得君婦氏
曰王儒素守先德婉婉膝前訓舉動無愆忒洎歸賢公
子克盡中饋職靜好承瑟琴誦歌間絃織所期黻佩偕
甯知薤露逼仙膠莫續命彩禽倏分翼憶昨行嫁時裙

釵謝纂飾日月曾幾何衰麻在要襟吞我約指金赴義
心不惑約指嗟無靈不如斷粒食奄奄七朝暮決絕孰
云亟時維甲辰夏歷歷可追憶有司奏於

朝旌揚拜

恩勅大節昭人寰請君勿悲惻至今十五年聞者猶歎
息放筆爲此詩以待貞石勒

訪吳稼軒卽贈

羈人在京師所戀獨良友吳子性命交廿年對樽酒自
從筮仕來報稱歎無有鬱鬱方寸心惟君可與剖乞外

書銓曹待次等株守相違將及旬渾如歲月久重闔造

君廬荒涼幾槐柳君子逾舞勺九容誓弗苟忽焉哀所

生哀經方在首君亦側室悲樾戶深勸誘更訂哀劬編

禮經問樞紐

君爲令子訂誦讀
課程曰哀劬錄

尙友君實翁丹黃不離

手

君方讀
通鑑

縱談忽中輟斜日正窗牖欲行復徘徊仰天

笑蒼狗青青倚牆竹歲闌色未朽以爲爾我盟歡娛可

耆耇

許海秋主事齋中消寒第二集詠冰燈二十韻限

忽字

誰夔華燈輝削成天山骨作暈俾月圓層冰門玉潔錯
落凝蘭膏聰明粲蓮舌不登熱惱場甯許豪貴乞堅白
惟虛中玲瓏倍呈質煜煜如有神熒熒不可絕恍疑煉
冶鏡可供清涼佛紅鑪避炎蒸赤心實蘊結耐冷方自
娛潛曜久彌烈溫泉候初變火井詎能滅陰陽妙交濟
表裏兼洞達春魚上未曾夏蟲那堪說觚卣隨形殊樓
臺頃刻活影亂花連枝屑紛雪六出素榮勝銅荷元炷
希彩筆掩映煙內含凸凹星半缺俗間煙都遺景感歲
華疾琉璃大千界遊戲百般術朔氣何峻嶒東風望飄

身居古寺言者之
忽持獻

君王前光明萬千室

十二月初五夜慈仁寺戒公饋粥

膺八前三日相存有老僧攜來無異物方外得良朋
佛鉢水雲遠儒冠餽粥能防風詢故事回首掖垣鐙

答張石樵丈

安保

二首次韻

先生學道人懷抱宣聲詩昨誦冰雪篇深入肝與脾未
獲親撰杖神交千里思令子幸同舍悅覩煙霞姿洪鍾
應遙鐸醴醴殊凡滴知君讀書處劫後多傷悲卅年經

世心虛想登疇咨

我本江東人桑梓敢弗篤與君託鄰比雞豚謝追逐
自從京宦來時時暮林谷風掣退鶴飛藩類羝羊觸寄情
一鷓鴣遐舉羨鴻鵠迢遞尊長前詠歌解憂感春色望
河關征轅早結束

聞將就
養北上

王霞舉將有山東之行消寒第三集李子衡刑部
席上分得年字

酒半君無語低徊今夜筵關山又征旅風雪入新年眼
底故人遠囊中詩句傳

皇都春有信秣馬早言旋

同人以霞舉行裝題詩贈行裘其一也余分詠限

長字

敝裘甘載歎王郎歲暮蕭然更辦裝短褐常思寒者利
綈袍可有故人將風塵抖擻資囊減霜雪侵尋驛路長
憶到香山老居士丈夫豈鬥一身強

懷馬鶴船

秋風送歸客羈旅更何如孤調幾人賞謀生無定居琴
尊天末夢文字劫灰餘遙望春來鴈殷勤付尺書

酒後書懷二十四韻柬二三知己

平生數遭遇守拙全我真常懷賈董志積久終莫伸毀
齒授書始誓臆羞因循謂當策名仕吐氣排風雲就秩
類曹椽二毛嗟已新敢侈冠帶喜恥受卿相嗔伯氏方
鼎貴悚惕非一辰直弦委道左艱苦支清門歲月倏云
邁半百將無聞累資不得展悠悠奚足論決意念衡泌
寂寞依吾親千里忽書至旣喜愁無垠老父善眠食誨
我言諄諄連篇密行字仰瞻精氣純上言我家世沐受
朝廷恩如何棄官去甘心求隱淪止足強談笑韜匿長

安塵掖垣一再來萬態悲紛員淺才敢乞外誰識憂如
焚將爲祿養計筋力非所云豈有宏濟略可以康斯氏
知我心曲者落落惟數君膠葛萬千緒涕淚難具申縱
筆雜醒醉何以酬羈人

十二月望前一夕得丁柘翁

晏

書卻寄

故人忽遺書聞之發狂喜開函未能讀涔涔淚盈紙追
述往者言導我有成軌憂患終傷人悲哉歲年駛力學
卽恆幹蟠際無窮已感君知我深三復洞心髓欲報難
卒言皓月共千里

消寒第四集黃翔雲庫部

雲鶴

席上分詠得憫忠

寺明劉夫人繡幡

騰禧殿宇不能守憫忠荒寺今猶存寺僧爲說前代事

佛幡製自劉夫人乾嘉文士昔題句梁谿周子誇獨步

積山郡
守鎬

滄桑憑弔興廢哀因緣指點人天護淮陰突起

簪花樓後宮佳麗無與儔鴛鴦不向綺羅繡香雲花雨

何稠繆城南淨域天一角奉侍餘閒此游逐想見時頒

香火錢他生好證菩提錄風幡微颺說經榻三百餘載

成一霎北地蛾眉黃土悲西方象教脩羅劫櫻絡垂垂

纏密意模糊難認金闈字絲痕漫滅愁飛塵沈檀誰爲
營篋筍玉魚金鴈嗟莫收慧心在冀針神酬武皇遺曲
飄零盡我憶當年宣府游

楊汀鷺泊肴饌適馮魯川李子衡來寓會飲以歲
晚務閒分韻余得閒字

倦鳥亟投宿羈客思掩關惠然得二子使我愁緒刪楊
侯泊肴饌兀對猶空山巾服寵來賁傲彼貂裘殷因懷
隴畝子蜡臘方務閒讀書果何事歲月貽憂患旣殊石
戶農稷契嗟莫攀仕隱兩難就霜雪催朱顏孰操尺寸

柄撻伐戎與蠻中原少諸葛名士今何艱入門事沈醉
出門殷痾瘼天高肯卑聽反手如轉環坐賓止吾語爵
盡儀容嫻更櫟速歸騎皓月流通闌

歲莫游長椿寺歸途訪胡惺泉

澗

留酌

盲風天欲雪無事歲云除暫與遠公別叩君槐下廬商
聲偏善怨貝葉更相如

君善音律
深於內典

且復醅醕醉閒愁付

太虛

十二月二十日同樊文卿

彬

劉子重

鈿福

吳又桓

榮
黃翔雲

雲鶴

諸君小集展祀蘇文忠公分韻

坡公降生之次日葉生置酒開賓筵武昌黃州有三客
舊夢回首臨臯船樊侯劉侯昨游宦壓裝詩卷來江天
江城如畫拋不得側身南望同纏緜雪堂赤壁騰戈鋌
多情鼓角非當年公倘有知將慙然生平足迹慳幽燕
驂鸞來去神所便幅巾我輩自蕭散何時許乞陽羨田
舉觴酌公曷云旋江山風月猶眼前鶴南飛奏仙乎仙
祀竈日過祁叔和寓留飲日暮始歸

桃符欲換歲光闌好友相尋共釘盤老屋十年松下住

君居內城
松樹巷

蒼山萬疊畫中看

出示王石谷
畫北山圖卷

倡酬但羨長

安樂跋涉回思蜀道難

曹官四川

一笑祀羊沿往事明朝款

戶更分餐

炭墜用黃勤敏公壹齋集中韻

掌炭稽周官曰墜豈餘教塼埴湖成言

見說文

墳墟具形

貌纍纍輪卵棋黝黝結脂膠將爲金在鎔略似餅發醅
禦冬婦子勞戰手不辭敲程功儲范模適用登塗淖參

錯曝檐庭顛倒納籠罩市價方桂薪溫飽慚廩稍朔風

斗室嚴寒夜數丸燦堂花薰益妍几硯凍微覺刷髻欲

奚尋煮石徒取鬧聊復楮柑燒時見飛藥炮

原韻用此字本丁度

集韻披敘切灼也

奇零磨煉存灰燼糠覈較暑禾耐徐添春至
猶可窘及此圍鑪辰掩關學元豹

歲暮對酒與吳稼軒

忽復屆春始當杯殊慨然盲風不成雪民事望凋年代
馬徒爲樂唐花任汝妍藏身市壚畔爾我得纏綿

己未人日行聖公邸第同人觴集李蕩船從事分

韻得日字

我交海鄰翁

君取唐王子安詩語別號海鄰居士

卅年莫殫述朝正使車

來晤言託紙筆荏苒忽相見非復髮如漆歛歛對青尊

眞氣尙橫溢驚疑在夢寐云何有今日搔首感春風抒
情蔚聲律君歸吾亦行後會諒難必且鬯歡樂懷分手
卽蕭瑟努力茲景光滄海爲一室

玉河橋口占贈李萬船

與君交久無如我三十年來此玉河閒捋霜鬢笑相視
吾曹詩酒未蹉跎

朝鮮金邵亭尙書

永爵

屬李藕船索余詩刻賦贈

苦吟三十載騷雅渺難尋海國有知己天涯同寸心漫
勞風雨合徒歎鬢毛侵試向滄流問相思孰淺深

金邵亭言所居距王城十里蓉江之上葺園築樓
擅水木清華之勝屬爲題詠卽以送別

先生世三韓有廬在郊野蓉江繞其前澗激若珠瀉列
軸崇典墳高樓聳鬼矲休沐時盤桓吟聲震檐瓦昨秋
持節來征途感塵堞回首舊林園歷歷見真我上國傾
蓋交所恨爲日寡爲我說殷勤相贈一言可飄風送驪
駒歧路杯且把到家當幾時餘春蔚花果況有賢兒郎
令子道園年少工文力學足承荷陳書談古今先生請安坐

次韻送別金品山掌令

有淵

浮雲馬首自西東
執手關門悵未窮
一曲琴絃聽不得
蕭騷天末有離鴻

楊汀鷺招飲

並坐皆狂簡於時或未馴
琴歌吾輩事花鳥異鄉春
明燭偏愁夜醕醪不醉人
參差今日語但自豁情真

睢陽湯文正公硯冊爲王蓉洲御史

憲成

題

湯公古儒臣遺行昭史冊
師守蘇門翁餘事文章伯
蒼然一石友出入共晨夕
重勞湖上漁妙象爲銘刻

硯左李笠

翁篆畀雲二字

展轉嘉禾城詞流詫奇獲

硯側隸書濟庵硯倦剛得竹垞書青士刻

敦鳳好齋詩續編

卷十

七

曹朱周三先生皆嘉興人神靈常護持歲月驚曠隔君昔客中州著

書捧盈尺

君言弱冠時侍宦中州得讀文正遺書

鑒君仰止心報酬以手

澤置之座右問虹氣夜輝壁整襟日葵香晤對猶主客
霖雨期他年端凝視此石

滄洲王侶樵

國均

客山東寄質詩稿並惠古刻拓

本

王郎詩與老無敵巨編叢草如山積純鉤躍冶珠騰光
五十餘年賡茲冊劫來脫我金石文知君嗜古歐趙倫
明湖一曲未曾到千里相思楊柳春

飲許海秋宅兼示吳稼軒張千橋兩君

爽意去庭院疏柯知欲春壺觴卽佳日城市幾閒人莫
問愚公谷空思王翰鄰萍蓬歎生事努力好相親

讀陸紫峰徹恩詩卷寄懷

官道一揮手銷魂十九年

道光辛丑四月余與
君別於王家營旅舍

高文敵

騷雅皓首竟林泉江表烽難靖燕臺月尙圓沈思讌游

地展卷忽潸然

曩時黃樹齋師官京師
恆召君與余爲文字飲

春夜同馮魯川李子衡楊汀鷺小飲

弦月猶未滿烏鵲思南飛且盡今夕樂休爲離別悲京

敦風好齋詩續編

卷十

去

國三十載落寞情所怡獨抱惟一拙磐石無轉移兩三
素心侶相愛不我遺東風盛百草我馬將焉之恥效兒
女子涕淚當道揮並坐未成別但願更漏遲明燈若無
燄俛首難爲辭我馬且休秣我車曷緩脂及此春日佳
杯酒相娛嬉勉作今夕樂毋計來日思

三月初一夜飲馮魯川宅分韻得情字

銀燭尙含情征人百感盈明朝又寒食一醉且春城美
景暗中度頑顏來日驚欲尋歡會處江海早休兵

寒食日與祁叔和出遊至覺生寺

三月春已深郊柳裊煙綠狂風燠不雨揚沙遠眯目茲

辰逼遊禊

明日
上巳

拍馬長河曲同調得邴子蕭問事巾服

有寺西北隅未至名久熟款關逢數僧作苦類樵牧盤
盤古松枝蒼翠背冬獨海棠含淺葩山杏散濃馥循廊
走千回幽意滿清淑殿前百石鐘密字難與讀叩之忽
有聲頓使我心肅欲留竟未能大野夕陽速

上巳日吳稼軒許海秋丁頤伯仲山張午橋招集

城南修禊

是日
清明

遊子不歸去嘉辰可奈何宦情感煙景禊飲助詩歌花

鳥三春晚輪蹄遠壠多人生幾離散一醉任顏酡

許海秋以寒食日獨遊龍樹寺詩見示賦答

閒官宜冷節

用君句

卽境得清遊亂葦此蕭寺餘寒若早

秋客懷總寥落詩侶渺滄洲我亦尋鐘去斜陽興未休

是日尔亦往覺生寺訪

永樂年間所鑄大鐘

題鮑子年舍人觀古閣泉譜

手拓吉金文字凡十六册

嗜古心情卅載仍圓方輪郭盡堪徵世間朽貫徒爲累

冷宦充饑得未曾鵝眼鮫文勞鑿別梨鐫棗刻遜精能

青銅三百從君乞買醉何妨傲杜陵

次韻答喻稜秋表弟

同模

紅蕉舊館那堪論圖籍驚心問九原千里忽來題柱客

卅年不媿讀書孫

紅蕉山館外祖石農先生所居藏書甚富兵後散失惟遺著刻版君置山

中尚在江鄉望遠春如夢午夜譚深月到門生事幾經烽

火苦青山無恙亦聲吞

寄答管才叔

樂

槐市好風日君來我已行文章終有價跋涉笑浮名舊

侶心難寫情真孰共傾遙知艤舟處寂寞月輪明

君家常州

艤舟亭在城外余南行所當經過也

唐竹筠

彥槐

屬題尊人邃洲先生敦墨菜卷

挾策爲經生餘閒此遊戲積年敲菜根獨抱歲寒意著
手含化機殘墨耐芳翠付與孫子藏清芬永不墜

題朱椒雨丈

姪之

遺照

清風吹白雲好鳥鳴聲諧小園占地僻足以娛我懷
援琴兩三弄大化何悠哉絃止忽泉響一靜生喧歷定有
素心子酬唱侔王裴渺渺駕水曲拏棹余將來想象幽
人廬撰杖何由陪

李竹朋屬題貯香閣蘭冊

竹朋室張
恭人畫

錢蘇石羅兩峰山人好手不可作江有香草漸蕭索風枝露

葉紛離披百年忽見貯香閣清時馥佩何雍容歸田一賦成高蹤齋鹽荆布我生事夢在瀟湘煙雨中

淀園直廬信宿留題二十八字

華省浮沈兩鬢疏驪駒欲唱重躊躇貪看金水橋邊月信宿

宸園舊直廬

許海秋母孫太安人扇頭遺墨裝卷屬題

許侯我執友誼若雷陳堅歧路倏將別能不神淒然登

堂昔拜母君今愴柘捲母德難備述餘事詞翰傳搜篋
得遺扇神采猶清妍詩書蘊精理下筆無不宜烽火故
鄉外家室恆播遷浩劫不能蝕守此甯非天肅然奉臨
鑒令名思莫愆我亦久失恃淚眼松楸懸各勉顯揚志
申贈心拳拳

之官浙江行有日矣李子衡招同許海秋馮魯川
黃翔雲吳子珍楊汀鷺小飲分韻得今字

慶雲滌霄霓羣彥欣盍簪中有遠行客攬轡方駸駸殷
勤繫維意聊寓醅膠斟清泉懷故山飛鳥思故岑愁心

自繚繞萬端不可尋
王程有期限執手嗟難任
朝辭銅龍陌暮宿黃河潯
黃河萬千里東流甯自今
回首城中樓縹緲星斗深

敦夙好齋詩續編卷十終

男恩頤謹編

別丁頤伯戶部

壽昌

仲山舍人

壽祺

一角街南舊市亭狂來呼酒醉千瓶而今忽作天涯別
垂柳風前不忍青

黃村夜發別陳子政兵部

恩嘉

陳子固

恩受

王仲

松

厚錫

兩文學

黃邨四十里約略短長亭客子倦投宿深宵酒不醒離
心若風雨努力致青冥看爾匡間返登車幾曉星

曲溝旅壁尋姚梅伯孝廉

雙

舊題不得

曲溝柳色正冥濛逆旅銷魂夕照中粉壁留題曾昨日

故人有句怨東風鳴鳩乳燕春方遠去馬來牛感不同
豈有木蘭舊僧侶那須盼到碧紗籠

雄縣

逾京二百里飲馬雄州城大風捲塵土易水流寒聲中
原久安父瓦橋無屯營設險嘒疇昔燕趙紛戰爭生齒
盈戶族耕鑿嬉生成蚩蚩歎汝輩蓋藏拙經營豐田既
不雨旱甚悲長征停車睇平野枯麥何縱橫慨然倦投
止蓬牖斜陽明

夜行趙北口

敦夙好齋詩續編

卷十一

二

載夢過橋去，征人思杳冥。馬嘶涼月遠，魚上早潮腥。略
有江鄉樂，休言戰蹟靈。畿南求水利，艱苦稻田青。

時方久旱

平原道中曉發遇雨

倦眼盼行旅，微茫夜正中。涼飈將驟雨，歧路信花驄。求
仕甯非拙，勞歌恐未工。百年渾夢寐，那敢計窮通。

四月十六日夜晏城旅舍對月懷都中故人

離樽初散奈，愁何馬首風。沙付浩歌客，舍今宵一回首。
始知燕市月，明多。

齊河縣城外曉渡

如線黃河天上來，濟流東去更喧。行人一帶衝波渡，
勒馬橋頭曉色開。

卽景

幾戶成墟落，茅廬似短篷。汲泉村婦健，蒸餅市兒工。
放牧前峰下，分疇隔水東。里名未遑訊，作息自淳風。

杜家廟小憩口占

狂風渴土逐車忙，瞥見炊煙出短牆。日午停車成小憩，
隔林微送棗花香。

張夏鎮旅舍見韓介孫州牧丁巳戊午兩年題壁

賦此寄懷時介孫在津門

斜陽入村店抖擻滿衣塵掃壁殘詩在征愁歲序頻我
方瞻岱嶽君尙滯沽津天末萍蓬感相思夢又新

杞梁妻祠下作

在長清縣長城鋪
傳爲齊長城故地

蘇碑斑剝倚荒楹千古猶傳齊女名風雨四山響蕭瑟
行人指點古長城

羊流店

亂石轉車騎遙遙晨暮間客心何浩蕩征路尙間關野
店流常駐荒林鳥獨閒多情懷叔子故里此名山

浮邱

雞聲催我出羊流三五晨星傍馬頭高卧車箱倚殘夢
天風頃刻度浮邱

新泰縣

山路何夷曠孤城榆柳中市聲喧卓午雲氣走東蒙禾
麥郊原潤笙歌賽祭崇殷勤問風土攬轡喜年豐

嶽山道中和吳芷生

岐韻

盡日崎嶇未覺遙雨餘村落翠痕饒停鞭惆悵江東客
齊魯山光歷六朝

蒙陰縣

樓堞背寒翠人間開曉晴俗懷安堵樂舊以附庸名蒙
密棲禽適嶠曉去馬爭及時勤雨澤可望歲功成

青駝寺旅舍題壁

跋涉經旬感客顏燕京一別夢空還依依銅馬門前柳
轉轉青駝寺畔山半百年華敢言老三千道路那辭難
聞雞欲作中宵舞士雅豪情愧莫攀

伴城

蒙山百里行初盡雲影天光殊曠然征客倦時謀憩息

孤村比戶聚人煙
輪蹄歷碌勞何已
榆柳陰濃望益妍
何似蓬茅覓真樂
長吟抱膝自安便

雨過沂州府

時徐州匪徒擾及
郟城縣甫經擊退

世難民多盜鄰邦有戒心
土風問沂水城樹擁新陰
過嶺層嵐峻前村積雨深
四郊瞻麥秀艱苦此黎黔

小雨至峒崕小憩

曉入徐州境征轅密雨低
田疇蒸宿麥村落接鳴雞
所願安耕鑿何當罷鼓鼙
冥濛短簷下涼意滿蒿藜

順河集題壁

古驛更殘夜色多
庭邊衰柳臙婆娑
依稀十九年前事
燈影雞聲此順河

辛丑年四月南
行曾宿此地

寄馮魯川

一辭丹鳳城南月
獨翦黃河驛畔燈
遠道寥寥誰共語
清遊歷歷感難勝
他時官治思同軌
當代文章久服膺
爲問王郎更何似
不將高詠付行滕

王霞舉許賦詩
送余屢促未得

漁溝

大隄天遠接淮州
萬頃黃雲曉氣浮
密雨斜風人意爽
行程今日度漁溝

黃河

昔我聞河渡驚波浮巨槎今來策車騎夕日蕩平沙沃
土農田遠新洲草屋斜芒芒神禹蹟北望一咨嗟

清江浦

重鎮臨淮左官僚與昔殊水衡資鈔幣烽燧警江湖且
整元戎隊先爲牘戶圖河渠不能讀旌旆耀通衢

連日飲高伯平

均儒

寓舍讀吳稼軒寄詩有如火

榴花照綺筵之句感而有作卽寄稼軒

伯平寓黎襄勤公祠

把酒對榴花關山人已遐連朝莽風雨繫馬息塵沙淮

水非如昔

余別袁浦十九年矣

祠雲遠易遮深情勞異地飛夢尙

京華

譚桐舫太守

祖同

招飲俯淮閣賦贈

遠道三千里艱難忍淚行相看風雨夕不盡使君情詩
語緘知己離愁付半醒扁舟辭未得高閣暮雲橫

題譚桐舫審音圖

圖中有君與令弟菊農小象

大地鬱羣歎作止無非天流衍逮文字聲詩居厥先譚
侯蘊精理歷久心彌專弟兄互師友不異笙磬宣滌蕩
杜浮濫要渺遺鑿鐫卅年此孤詣弗改朱絲絃整襟更

洗耳請誦詒清編

君有詒清堂集

題譚菊農通守

祖勳

且泊圖

一身寄虛舟，浩渺雲水中。
帆檣過如駛，獨繫葭蘆叢。
萬動根一靜，有塞靡弗通。
遐哉舟中人，含笑觀太空。

初度書懷

五月四日

潦倒浮生事，停鞭動遠愁。
時艱乏歸計，官拙與誰謀。
旅舍淮東驛，江程越客舟。
懸弧且休問，欲去莫猶夷。

午日晚集高伯平寓舍

令節又蒲艾，銷魂共一觴。
高梧納遙霽，初日到虛堂。
良

友意無盡征人愁易長燕山未歸客

謂吳稼軒

遠夢付蒼茫

泊舟杯渡菴前譚菊農過訪夜話

杯渡菴前正繫橈持燈有客問清宵携來寶墨回環讀

風雨篷窗不寂寥

君示所藏趙文敏手書先人阡表真蹟卷留觀竟夜

遇鄭贊侯

襄

卽送北上應順天試

意外喜相見悠悠安可論行蹤又勞燕作計信乾坤北
道飛塵苦南風拂面溫秋期燕萃瑟天際好音喧

別魯通父

我竟別君去行行殊黯黯揮杯負淮樹倚棹辨江天愁

緒焉能理詩名儻附傳更嗟二三子春色惱幽燕

今春在都

時吳穆軒許海秋馮魯川望道父公車不至

將發袁江高伯平携酒肴來舟中話別長歌贈謝

南風作暑欲成雨日夕扁舟泊袁浦高侯携酒送我行
更聞燭炮難爲情敝衣斑斑漬痕厚猶是東華舊塵垢
退直歸來惟看山巾幅道遙萃賓友裹足不入公卿門
大道旗亭倚疏柳白衣蒼狗空中搖弱羽但畏彈射遭
國恩未報奇變作通衢局戶如衡茅白雲縹渺數千
里月誦家書兩三紙游子天涯可奈何歲月驚心速若

駛霜颯肅晨促轅馬投牒逡巡掖門下萋斐休疑奪鳳
池舉首觚棱淚如瀉戒程捧檄之江水行李經旬暫棲
止文章遇合增嘔歎稅駕遭迴爲知己黎公祠畔榴花
濃微月初上庭間桐興酣痛飲千百鍾況聞雛鳳聲雛
雛謂令子明
恂叔遜歧途使我愁腸空愁腸展轉朝復暮振觸
江頭滿屯戍憂世非無擊楫心去日長嗟識字誤嘉筵
屢醉千惑并篷窗縱論羣籟清蒲帆獵獵送征客回望
寥天飛鳥橫

廢船行

道經淮東驛連船列平陸峩然若邱山炊煙等聚族昔
年盛漕轉歲貢天庾粟自從羣盜張長江肆荼毒千艘
濟滄海吳越雲帆速舊物從棄置失業萬民哭中道不
能返倦憊依朽木荒岸長子孫窮日計餽粥門戶有吉
詞公然傲卜築延頸望昇平天意其可復慎勿屯萑蒲
如何處司牧客程正南指時艱感盈目昔來盛夏時洪
流浩成瀆今茲屆伏暑淺載何局促也遷黃昏間言就
城隅宿

舟泊淮安城下訪丁柘翁

晏

款留半日賦贈

高城倚淮壖，錯落燈火光。
艤棹敏途徑，得登君子堂。
忽十餘載，人事紛低昂。
哽咽不能語，勉慰眞意將。
先生古尊宿，挈領羣儒行。
大義析鄒魯，末流掃披猖。
昨來粵寇作，眾小如螟蟥。
中流賴砥鎮，一旅江淮當。
用寬

天子憂河北，安車航道高。
毀忽至蚍蜉，甯足傷閉門。
養吾素撫劍，猶傍徨勳猷。
付兒輩歲月，名山昌學粹。
神愈固，夔鑠安可量。
王事有程期，南望波泱泱。
深辱君子憂，振觸停帆檣。
浩然百憂釋，後會遙相望。

柘翁飲余於半畝園出所繪圖卷索詩

偶泊淮陰棹因過半畝園文章尋舊好雲木屬芳樽蓮
葉冒池淺禽聲移院繁低徊戀斜照鴻爪畫圖存

舟中聽雨屬吳芷生作射陽雨泊圖於扇頭有懷
丁柘唐譚桐舫魯通父高伯平諸君

醉與故人辭連朝客腸苦艤舟射陽陂淮天忽風雨相
對微燈明不辨遠村語惆悵詠卽須來夢逐鳴鶻

卽目

夾岸人家護稻畦聽風聽雨轉輪蹄扁舟欵乃天將午
楊柳村村布穀啼

晚望

斜日餘霞遠色新
寥寥村戶在前津
緣隄水退舟行窄
一片閒花白似銀

將至寶應寄懷吳稼軒

上國遙征路幾千
淮雲楚樹思淒然
西壕悵望名賢里

下瀝他時傍舍田
轟飲那能消白日

昨過袁浦屢醉
高伯平齋中 隻

雞何以答黃泉

潘四農師墓在淮安
城外欲往奠不果

宵來八寶城頭月

又送新愁到鬢邊

憫孔宥面
之亡也

夜泊寶應城外孔改菴

廣稷

來舟相見甚慟因索

其尊人有函太守遺草

追思前日事

道光辛丑夏過此會至宥函家

未忍再登堂詞翰空千古

精靈儻大荒烏啼弦月落蛙語遠潮涼且共孤兒話深宵淚幾行

懷楊汀鷺

整駕出南郭臨歧無一言幾年同肺腑萬事有壺樽風雨歡難續義娥景易奔如何頻夢見覺後祇聲吞

舟曉

倚柁客行緩長湖天始暎野花含霧發水鳥聚波喧五

敦夙好齋詩續編

卷十一

士

月猶宜裕微涼可舉樽艱辛謝田父驅犢出前村

泊汜光湖

篙師貪早泊湖口日初斜勝事名賢杳長隄估客譁
人居人多養鴨驛卒尙吹笳拂鬢涼颼滿登艫眺遠霞

陰雨懷許海秋馮魯川李子衡諸君

密雨幾時至扁舟與岸鄰瀟瀟破殘夢黯黯殫佳晨
遠驛潮痕長叢蘆鳥語親所思渺天末何以豁情真

雨中題吳芷生所藏王蓬心太守畫卷

卷中不署年月題云

飛螢坐袂離思忽生漫寫石田翁老樹怪石王宸考太守太倉人乾嘉間曾守永州晚年解組僑居

江漢以畫爲
易潛券云

國初畫師起江左
婁江諸子尤清雄
流派不墜乾嘉日
蓬心一老揚宗風
此圖宛似石田翁
經營吐納方寸中
參差茅屋隱蒼翠
林氣繚繞松竹桐
知有幽客局弗出
泉聲萬壑環飛湫
去帆來槳招手語
垂楊隔渡煙濛濛
先生垂暮何龍鍾
永州罷去將投農
窮途賣畫錢幾許
酒醒已覺行囊空
可憐江漢溷游旅
縱意偶寫塵外蹤
越綾細膩展秋緒
飛螢著袖離情濃
麓臺耕煙儻復作
定許撰杖常相從
百年流傳到燕市
吳侯眼喜酬青銅

揭來淮浦時展對令人神往谿山重遙天風雨不可止
爲君題句愁征篷

閉牖

首塗勞驛吏蓄水便行舟衰旺憑長牖風帆試遠流鷓
飛難作退株守豈他求一笑爭農利微晴聽乳鳩

舟行有感

巨水忽成港扁舟勞挽牽青林戀征驛碧草占湖天雨
過沙蟲響風微乳燕偏夾隄穿一帶衍沃異當年

兀坐

欲投亭成宿水細路周遮岸樹迷歸鳥湖天養暮霞鐘
鳴想僧寺犬吠幾人家兀坐依鄰舫磬磬眾語譁

雨泊馬篷灣霽後月出

狹路帆如鳥蒼茫雨意浮迴風轉層霽明月傍秦郵殘
櫂時相戒荒蛙怒未休塵纓吾欲濯照影愧清流

清水塘去

此甚近

高郵州

江北糧臺設此地

雨意截城郭人聲喧渡頭煙中孤鳥遠天際眾湖浮烽
火愁今日芻糧控此州更無懷古客風雅弔文游

江路

江路異疇昔經過
征客悲碧流
戒舟楫白日颯旌旗
大吏艱籌饟
斯民久苦飢
憂疑惟束手
卽目寫新詩

別劉唯庭大令

傳會 時駐高郵糧臺

昔下考功第
燕郊垂柳攀
烽煙經歲感
江漢幾時還
百里羈分綬
窮年等抱關
不圖相邂逅
樽酒又離顏

軍令

軍令防江介
天清鳥不飛
鼓鼙喧列隊
村落澹朝暉
細水魚游困
長隄牧馬肥
東南稀樂土
拭目振弧威

過露筋祠作

擊汰重來事渺茫
神鴉猶見遠帆檣
湖雲祠樹都非昔
休歎勞人兩鬢霜

土城

土城如帶障江濱
萬手辛勤舉築頻
行盡長湖三十里
雲旗滿目不逢人

昨宵

懊惱黃梅節
南天作雨時
酒家緣岸少
農舍逐波移
野樹炊煙合
叢蘆鳥語遲
昨宵江上月
露坐愛離披

昭關壩

舊名竟傳說坊字舉頭看不見吹簫者能無撫劍歎片
帆疾飛鳥一壩禦洪瀾何處來軍騎郵亭夕照殘

召伯埭

諸將支江北軍聲震此間市廛生計滅家室旅情艱久
享長隄利休令重鎮閒昨來風鶴警擾攘此潺湲

夜望懷都門舊遊

殘宵風定碧波柔夢醒披衣上舵樓惆悵舊游惟有淚
數星迢遞指神州

六插口

舟子急鳴鈺朝來眠未成重湖漸成渚破寺半屯兵拍浪鷺飛遠隔村雞偶鳴問途凡幾折無句賦蕪城

宋高平太守銅虎符歌寄唐蕉庵大令

翰題并序

昨過袁浦唐蕉庵以所得銅虎符見示自記以建初尺度之首至尾長二寸八分足至頂高二寸脊隆起分許刻口召與高平太守銅虎符第一十二字半首一字不可辨召當是詔之偏旁膊刻高平太守四字腹有牙槽槽在前深二分廣一寸弱高五分牙在後隆起一分半

廣九分有奇刻右字於前半云云蕉翁考漢地節三年封魏相爲高平侯縣隸東海臨淮郡永平十五年省晉初置國宋始以魯郡地爲泰山高平魯之郡置南高平太守明帝太始五年復僑立高平太守於淮南當塗縣界宋以前無郡守之職宋初始置南高平太守此稱高平當是宋明帝太始僑立於淮南時物蕉菴所說確鑿可信拓本見貽屬爲考證錄錄未報舟中無書檢閱因就蕉菴所記成一詩以紀所見云

高平拜侯屏東海實惟地節之三年合符分明太守字

未敢傳會西京傳後來省縣臨典午不聞章殺雄城專
剖分魯郡始劉宋參錯疆界更平聲井厯倉黃僑立匪無
意威名重鎮江淮偏十有餘字深雕鐫點畫精整神瑩
然追蹤秦體雜分隸南朝工藝多才賢唐侯不惜囊中
錢意外靚遇清淮堦手模神契著徵信傳觀眾客驚華
筵半痕未泯已足重寶物安得延津全扁舟南望愁戈
鋌撫今懷古心纏絲摩挲殘字發長喟露布思聽郵筒

宣

晚泊

繫纜蒼槐下，輕舟得所便。
蛙聲騰夕霽，鳥影納江天。
茅屋幾家聚，漁燈迴岸偏。
明朝問晴雨，放眼落霞妍。

寄黃翔雲

憶昨宦京國，詩酒樂公退。
霜高歲寒辰，挈榼飫菘芥。
時爲蕭寺游，或買市壚醉。
筆端歎淋漓，子才獨雄快。
城旦不肯言，武庫就閒寄。
日侍慈親旁，讀書戶恆閉。
矻矻茲窮年，篤學我常懼。
送我南方行，擘笈寓深涕。
開篋一再尋，江程日云邁。

野泊阻風

野泊不知里波濤能撼空閒窗愁日暮堅坐待江風
望無飛鳥微吟得草蟲長年諳水性往復纜疏篷

寄李子衡

數行別淚市西樓吹上江淮天畔舟文字雍容京輦貴
旌旗飄蕩驛亭愁撫衷那必逢詹尹乘勢何人不馬周
憶到論心深坐日仙壇鐙火最清幽

君在都門寓
圓通道觀

守風偶成

江上潮平風漸柔行程竟日悵淹留葭田葦岸斜陽外
啼鳥聲聲傍客舟

懷沈仲維

士純仲維家常州

百年老輩已張惓

皋文子居兩先生

一卷奇文溯漢秦

途中相遇以所

著文卷見示

陳語儘堪糟粕棄疏絃獨抱性情真回思燕趙

同羈旅幾日蒙沂問去津無奈遲君渡江去扁舟悵望暮天頻

沙頭阻風偶爲短句

南風日日江口飽來帆瞥眼疾如鳥我舟六日不數里
手把一編看晴吳瓣香欲禱江之濱封姨分付旌旗神
流行坎止何足道拍拍沙鷗空笑人

望金山

兵後寺燬
塔尙存

不飲中泠水名山失舊形扁舟一遙望煙樹賸微青欲
問灰中劫休言地不靈江神如可禱早洗鱷蛟腥

舟過焦山風利不得泊書寄吳稼軒許海秋

名山送我渡江來風正潮平片席催且與故人堅後約
緘書天末一徘徊

過丹陽縣

雲荒張祐宅草蔓呂蒙營寂寞風騷客消沈戰伐名啼
烏暗樓堞牧馬肅軍聲利涉貪帆勢長空雨意迎

敦風好齋詩續編

卷十一

六

有感

水氣易成雨鳥飛常近檣
蕭騷江渚夕噫啞暮天涼
物候忘炎暑征愁轉寸腸
廿年舊游地放眼一茫茫

晚泊陵口

好風載我去舟輕
亭午江行百里程
到岸帆檣爭晚泊
幾家燈火散波明
微涼未肯春衣換
殘夜猶思短劍橫
回首當年曾艤棹
渡頭煙樹淚霑纓

雨中過呂城

鼓鼙清朝過呂城
南風撲面雨絲迎
微蟲隔水鳴
相答

細草綠坡綠未平且喜詩篇消永晝偶逢驛卒問前程
欲求第二泉邊酒撐撥愁心醉一觥

毘陵驛舟次遇祁叔和太守

之鏐

京邑送殘春淒然淚滿巾萍蓬仍異地舟楫託比鄰
眼雨風遠何時尊酒親觚稜頻舉首千里渺關津

秦澹如太守

繡業

招飲解纜未赴賦別

故人十年別留我話纏絲豈意幽憂疾無聊暮雨天
扁舟趁明發高會隔江煙更向錫山泊聞鐘殊悄然

君家無錫

都下慈仁寺有顧亭林先生祠每歲春秋禊及先

生生日致祭余皆與其事夏初將出都適同人展
禊事爲余設餞固辭未赴望遠有懷

櫻桃芍藥漸凋零門外驪駒未肯停
禊飲畏逢離別地

僧寮竟作短長亭

往年余送人出
都常在此地

張陳交誼愁遲暮俊

及風流尙典型獨憶毘盧舊時閣
西山雨後遶關青

曉發常州大風雨

夢覺疑殘夜江聲聞雨風
舉帷望空碧曉色暗冥濛
悵與故交別淒然征棹東
艤舟亭漸遠愁緒一樽中

半日

半日依江渚南風作意頭揚帆忽將暮飛渡不知艱澤
氣蒸成雨坡痕遠結髮無心從一笑倚柁看鷗閒

未夕

未夕雨風急維舟當葦碕倚舷漁網靜秉燭草蟲飛煙
外星猶隱天邊露漸晞鐘聲何處至於此悟知幾

過無錫縣

江聲趨蠡瀆雲氣擁夫椒換柁好風送揚帆卅里遙人
家蔚叢木估客習靈潮回首斜橋轉浮屠湧碧霄

十里亭

迢遞城南十里亭人家煙火帶青泠浦雲沙鳥等閒過
一髮龍山舵尾青

望亭

南北望亭路拏舟入暝煙星光常在水帆勢欲依天有
客對明燭誰家調畫弦涼宵何處泊天遠露娟娟

吳門題朱伯韓觀察

琦

吳越近詩

垂白喜無恙相逢一論詩扁舟吳越路孤抱杜陵知獨
坐頻看劍懷人漫舉卮名都盛傳誦紙貴洛陽時

訪家若生明經

廷珪

因贈

廿年枉書翰今日敝君門執手如相識殘編好細論江
雲騰雨氣庭樹間霜痕欲問蓮因叟風流嘅九原

謂陳雲伯

丈文述君外舅也

朱伯韓移居滄浪亭賦贈

掉頭十丈輭塵紅且向滄浪作寓公勝地低徊有今古
天涯聚散各萍蓬山林未許吾生老歲月何堪旅思同
煙雨滿亭看不厭無端別緒又匆匆

謁宋于庭丈

翔鳳

於葑谿草堂

撰杖求疑義經師有艸堂一時尊老宿不廢是詞章湘

渚歸猶早燕關事未忘南來暫停棹話舊意彌長

次韻答馬鶴船明經

書齡

觸暑二千里腸中輪轉深故人知我久好句見初心雲
際愁孤月江流送遠琴與君盟晚歲伐木矢嘉音

徐稼甫徵君

立方

以先世三賢傳見示書後

三賢
爲明

工部侍郎如珂字季鳴號念陽及其
次子廷柱字中立從子樞字鼎仲也

我昨來吳門獲交徐徵士出示先德傳展卷肅然起猗
歎念陽公往蹟著青史全吳更平蜀功在不能毀太阿
六倒持卒以仰藥死不愧友忠介碧血漬盈紙佳兒能

雪窈九原可以喜力竭殉南都復聞有從子峨峨忠孝
門望如山嶽峙整冠讀方終太息殷仰止願君述祖勤
文行交礪砥他年恢遠猷家聲振休美

贈郭藕舫郡守

志融

郭侯與我長安別朔雲莽莽天欲雪
鳩來執手胥江濱
中吳典郡能澤民郭侯爲政真健者
夙昔聲馳皖江下

知君文字根性情餘事壇坫司風雅
嶺南舊交温伊初與

黃

香鏡
蓉石

可憐鄰笛悲山陽
松軒

張南
山丈

嶽

黃香
石丈

各無恙

思而不見空徬徨那知近與郭侯遇
奇文囊底山水助

曲江宗旨未消沈，以此訐謨匪無據。
經旬忍疾愁長征，欲別未別心屏營。
四郊穡事滿農望，拏棹南天緩緩行。
浮谿精舍宋于庭，丈讀書處也于庭。
丈暨家茗生，胡心耘排日招集留題一絕。

風廊水檻午晴天，綠意沈沈送遠蟬。
譚蕪連朝忘旅倦，不知相對是離筵。

朱伯韓

琦

錢拜亭

慶善

雨觀察招遊滄浪亭

子美舊遊地，清幽息眾喧。
主賓忘禮數，亭榭稱

去聲

壺樽

一棹江天遠，經旬伏雨繁。
纏緜故人意，欲去竟無言。

胥門雨感

闔廬城下暫句留霖雨蕭然動遠愁
客舫連朝惟擁絮
江天六月竟如秋朋交投贈多香草
驛路心情怨石尤
好祝來晨放晴霽挂帆早作武林游

將發胥江前夕胡心耘來話別留飲舟中有作

相逢十日展殷勤解纜明朝客緒紛
樓堞蒼茫有明月
吾曹蹤迹類行雲濁醪殘燭催離別
巖柝清笳動夜分
那得似君能閉戶草堂愁誦北山文

覓渡橋

吳山青不斷送我尙纏緜向夕橋邊泊重城舵尾懸露
涼聞蛤吠風靜足漁舫回首故交遠酒痕襟袖邊

舟夜不寐

蓬窗齊閉夜如年無數鳴蛙沸水田西舫東船人語悄
起看皎月到中天

睡足

睡足聞柔艣推窗起攬衣曉煙隄樹暗宿露渚田肥漁
艇猶懸網人家半掩扉莫釐行漸近蒼翠出霏微

盡日

盡日舟行逆浪艱，宜人物態自閑閑。
稻畦水遠眠烏犢，葦渚風清試白鷗。
雲氣清蒼接吳會，畫圖寂寞憶荆關。
纏縣回首山千疊，省識靈威舊道顏。

吳江縣追懷張淵父教諭

履

松陵有張老，久作京輦客。與我爲深交，譚笑略形迹。
詩文悔少作，奮力究羣籍。手訂禮經言，心儀洛閩冊。
無術可醫聾，百里謝繁劇。降心一儒官，投老故鄉隔。
一燈句溪旁，圖籍映松柏。北望懷觚棧，寄我書盈尺。
頗思返枌榆，遽爾朝露迫。我來越歲年，空憶江上宅。
亂後消息非

孤兒竟安適明月照高城舊感忽紛積夢中欲相就彷彿髯如戟

吳江道中寄翁叔均文學

九年

衙齋相訪夕陽昏曲室幽垣靜不喧廿載文章託神契一編金石叩淵源匆匆竟挂輕帆去渺渺難將別夢論惆悵垂虹橋畔過露斜風細月如盆

鶯脰湖

天光放平遠湖氣入幽遐日午鐘鳴寺風炎荻未花微吟獨鳥過振翬片雲斜欲訪天隨子煙波到處家

江行

江行當午火雲懸無奈南風滯客船到處水車牛力健
幾家桑社鳥聲圓村農歲月程功苦旅客逍遙任性便
好是昨宵貪露坐一天明月散湖煙

將至王江涇野泊

積雨江流長清宵皓月停渚禽寒似鴈漁火遠如螢短
燭哦騷辨殘醪雜醉醒荒陂少更柝兀坐數明星

曉發嘉興府

一宿由拳野揚帆復早行蟬聲清水驛桑影護柴荆順

逆天公事谿山去客情微陰不成雨涼意澹征程

書生

吳越百千里遙遙桑柘間土風滌繁縟雲物養高閒
官戍兵方暇村農力獨艱書生無寸補注目戀溪山

食構李有作

盧橘楊梅未足珍堆盤佳果稱圓勻餐來領略微醒意
休問吳王宮裏人

舟晚

微雨作旋止沿流清復渾漁舟爭晚唱柔畝長溪痕歸

鳥帶橋遠鳴鐘出寺昏不知今夕泊可近語兒村

語谿曉行

水氣兼雲氣蟬聲雜鳥聲笠蓑前壠語桑柘遠波迎
爽萌羣動嘉禾數客程停橈詢土俗杲日已東明

望仙橋

鳴蟬夾岸送行舟亭午風輕雨意收耳畔波聲仍醉里
樹頭山色是杭州橋梁宛轉成誰手雲物蒼茫續昔游
蹤迹半生媿鷗鷺塵埃休令負吳鉤

雙橋

咫尺雙橋合彎環一水流野花隨處發山翠晚來稠浴
鳴自尋渡賣瓜時傍舟蟬鳴何太苦暝色未曾休

夜泊塘鄴

路指塘鄴鎮江天夜景清人聲估船聚燈火市樓迎蟲
語先秋作漁罾隔浦盈坐看涼月上水驛正嚴更

鴨欄橋

瓦屋松棚八九家煮茶壚倚石橋斜宵來谿水添新漲
閒煞門前幾釣槎

將至杭

客程愁蹇滯今日到餘杭山色舊相識江船暑未妨居
人足煙水本計重耕桑敢述風人義成詩付客囊

男恩頤謹編

排印葉澗臣觀察遺詩成書後

宦海深沈感慨多脩然驅馬歷關河纔離薇舍舒棠蔭

忽赴蓉城唱薤歌文酒流連懷北里

余在都下時君常有投贈之作

名榮落總南柯獨留詩卷傳千古豈等虛聲逐逝波

陳迹鴻泥尙宛然臨風涕淚讀遺編相如謝病還耽學

賈誼懷才竟促年風雨吟秋愆舊約

君道過吳門時約余秋日再晤及八

月初赴杭往謁則先一夕下世矣

壺觴話別悵離筵

夏間小集浮絮精舍君卽席贈詩有

不知相對是離筵之句詩存此編第十一卷不意竟成讖語

椿庭漫抱西河痛繼述

清芬仗後賢

咸豐己未嘉平仁和胡珽拜題

敦夙好齋詩續編卷十一終

先大父於咸豐三年曾刊其所爲敦夙好齋詩計十有二卷其續集十有一卷則先君子扶櫬浙江時檢甲寅以後遺稿而編焉者也顧初刻板存京師虎坊橋舊宅光緒初毀於火矣續集係活字排印年來亦分贈殆盡兆綱懼其久而佚也出全稿付手民重刻之讎校凡數過一綫手澤之遺或不致兆綱放失歟光緒十六年三月朔孫兆綱謹跋